



MOELETSI OA BASOTHO

PARARE DOMINO PLEBEM PERFECTAM



**Lenyalo le
kopanya
Basotho**

5

**Bongata ba bakuli
bo ama moruo**

6



KOPANO KE MATLA



Access Our Books on Akello Library!

Explore a wide range of our books anytime, anywhere.
Visit Akello Library today and start reading!

#ReadAnywhere #AkelloLibrary #ExploreMore

<https://library.akello.co/downloads>

Follow the link

MOELETSI

Lerato la boena le ile kae?

Naha eo palo ea eona ea bakuli e lulang e nyoloha, ha ho ka moo moruo oa eona o ka holang le kamohla hobane 'muso o tli'o sebetšana le ho alafa bakuli. Chelete e ngata e tli'o sebelisoa kalafong ea mafung a joalo, ebe sebakeng sa ho etsa lintlafatso kapa hona ho theha mesebetsi ho shebanoe le mafu. Qholotso ena e tobile Lesotho kaha ho bonahala Lefu la Lefuba (TB) le sa ee moriting, litšoaetso li ntse li hlahella ka bongata. Ka hona Molula-Setulo oa Balula-Setulo ba Likomiti tsa Paramente o khothaletsa naha ho tsetela haholo lingakeng tsa lehae e le hore ho sebelisoa litlama tsa lapeng koano ho phecola mafu. Chelete e sebelisoang ho reka meriana le ho mema litsebi, e sebelisoa ho rupela le ho chorisa litsebo tsa litsebi tse se ntse li le teng kahar'a naha. Boikemelo bona bo tla thusa Lesotho ho tlohela ho itšetleha ka linaha tse ling leha ho sa hlokahale. Hona joale ho ntse ho baloa chelete ka limillione eo ho thoeng e lahlile, e neng e lebetsoe ho tla thusa litabeng tsa bophelo, 'me chelete e joalo ke e tsoang machabeng.

Mokhatlo oa Basali Merafong o bontša hore ho sa le hole moo ho uoang mabapi le tšebetso merafong haholo e tobaneng le basali. Molula-Setulo oa Mokhatlo o re palo ea basali merafong e ntse e fokola haholo, ka hona ba ntse ba rupela basali bohle ka tšebetso ea merafong hore ba tsebe litokelo tsa bona tse hatike-loang hangata ke banna ba ntseng ba e-na le mohopolo oa hore ho na le mesebetsi ea banna eo basali ba ke keng ba e etsa. Ka lebaka lena ba ntse ba thusa basali ho tseba litokelo tsa bona e le hore ba tle ba tsebe ho itšireletsa khahlanong le lithekefetso tseo ba ka tobanang le tsona. E se e batla e le nako joale basali ba sebetša merafong haholo Naheng ea Afrika Boroa, hoo ho seng bonolo hore ho ka ba le banna ba ntseng ba re ho na le mosebetsi oa banna, kapa ebe taba ee e hlaha hona Lesotho moo?

Bacha ba ile ba kopana ho tšohla ka matla litaba tse amanang le moruo haholo moo bona ba ka nkang karolo ho fetola maemo a joalo. Puisano ena ha e lokele ho fella mabalane mona feela, ke ka hona ba reng ba ikemiselitse ho etela ba ka loting ka koana hobane le bona ba cha ba tšola litabeng tsena. Ho latela maemo ao Lesotho le leng kahar'a ona ha joale, ho hlakile hore ha lilemo li ntse li e-ea ho tla ba thata haholo ho moloko o tlang. Motsamaisi oa Lipuisano Ntlong ea Bakhethoa o bontšitse bohlokoa ba bacha joalokaha e le bokamoso ba naha, leha ho le joalo a ipiletsa ho bona ho etsa lintho ka tsela e nepahetseng e le hore ba fumane tharollo ea moshoelella. Liqeto tse etsoang ka maikutlo ha ho mohla li tla tsoalla motho namane e tšehali, ho tla lula ho e-na le lintoa tsa boiphethetso nako eohle. Bacha behellang kathoko litaba tsa lipolitiki 'me le shebe hore na hosane, bophelo bo tla le tšoarela'ng joaloka baetapele.

Matsatsing a moraro tjena batho ba se ba sebelisa marang-rang ho etsa liketso tse sooto tse hobosang batho, ho ba qhekella ka ho utsoa lichelete tsa bona kapa ho ba tšepisa mesebetsi e sieo haholo linaheng tse ling ebe qetellong ba ba rekisa. Likhoboso tse ileng tsa etsetsoa banyalani kahar'a naha ka mona li ile tsa khopisa Basotho hoo ba qetelletseng ba ikopanya ho etsetsa banyalani bao ba bacha lilemong lenyalo le leholo le letle. U'a tseba Basotho ehile ha ba rata ho etsa ntho e ntle ba e etsa, ketso ena e hopotsa motho Basotho ba khale ba neng ba thusana ho se ea ka robalang a itsosa.

Batho ba fapakaneng ba ile ba etsa letsoho la monna ho ea ka hore na motho o na le'ng, ha re bua tjena banyalani ba na le setša sa bolulo, ba se ba fumane moo ba ka tšoarising matsoho teng molemong oa ho iphelisa. Hona ke melemo e meng e entsoeng holima lithophiso tsa lenyalo. Basotho tšoarang joalo, 'me lona ba ikentseng bahloris ba batho marang-rang, emisang liketso tse mpe tseo. Tlohelang ho nyontša batho lintho tse ntle, tse ka bang molemo ho bona ka lebaka la lipelo tsa lona tse makoebeta. Marang-rang ke sethala se setle hampe, moo motho a ka etsang lintho tse ngata tse ka bang molemo ho eena le ho batho ba bang. Re lakaletsa banyalani bophelo bo botle ba 'mele le moea, Morena a ba sitse ka bophelo ba bone litloholo le litlotlohoana tsa bona.

MOLIMO A BOLOKE LESOTHO LE BASOTHO

Baemeli ba Lesotho b'a thusoa

Nthabeleng Seithleko

Letona la tsa Machabeng Mohlomphehi Lejone Mpotjoane o re ho bohlokoa hore Baemeli ba Naha ea Lesotho Machabeng ba amohele maano le ho tseba litumellano tsa Lesotho machabeng le ho amohele mekhhoa e mecha ea lipolitiki. O boletse tsena a bula ka molao 'moka oa pele oa Baemeli ba Naha ea Lesotho Machabeng, ka la 26 Motšeanong monongoaha.

O re litabeng tse kholo ba tšoare ka thata ho bona hore taba ea tokomane ea maeto ea VISA e'a lokisoa e le hore bahahlauli ha ba etetse Naha ea Afrika Boroa ba nolofalloe ke ho etela Naha ea Leso-



bobebe. O re ketso ena e tla thusa litabeng tsa tsa-maiso ea theko le theki-rumiloe. A re ho bohlokoa hore leha ho nkoa batho ba litsebo, bacha ba ke ba



tho. A re ba ka khahlola ke ho bona mekete ea naha e hohela bahahlauli le e meng e mengata. A tsoelapele hore ba shebile haholo litaba tsa ho bua ka bofuma le ho khothaletsa botseteli litabeng tsa matla a hloekileng.

O boletse ha e le takatso ea bona hore ho be le libaka tse bokellang lihlahisoa tsa Basotho metseng hore ha li hlokoa ke bareki li fumanehe ka bongata sebakeng se le seng ha-

so ea tsona ka mekhhoa e bonolo.

O re boemo ba moruo bo putlame haholo kahar'a naha ka lebaka lena Lesotho le lokela ho ntlafala le ho ba boemong ba ho itlahahisetsa.

Phakisi Phakisi ho hlaha Mokhatlong oa Trans Africa, o thoholelitse lekala ka mohato ona ka le reng Basotho bao ba tla tseba ho batlela naha metsuntsunyane e seng bona hobane naha e ba

shejoe ka leihlo la mohau hobane le bona ba lokela ho ba le litsebo hore qetellong ba hopole se lokelang ho etsoa molemong oa naha.

Baemeli ba Naha ea Lesotho Machabeng ba lokele ho eletsa Tona-Kholo le 'muso oa habo litabeng tse 'maloa, har'a tsona tse tla thusa hore ha ba fihla linaheng e le batho ba bohlokoa, litona-kholo li laolehe le ho hlomphebaemeli ba linaha.

Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

Editorial

Lesetsa Rakubutu

(+266) 6203 1949 / 58490670

EMAIL: editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seithleko

57 665 038/ 68 216 271

Tšeliso Thakholi

58 540 853/ 63 480 404

Production Desk: 'Mateele Liqa

Merafo e ntse e na le liqholotso

Nthabeleng Seitlheko

Ele ho bona ntlafalo le ts'ireletseho ea basali merafong, Mokhatlo oa Basali Merafong o bile le 'moka oa ho tšohla liqholotso tse tobaneng le basali merafong, ntlafalo ea bona le melao ea mokhatlo. Tse-na li boletsoe ke Molula-Setulo oa Mokhatlo, 'Maphutheho Jessie ka la 25 Motšeanong monongoaha.

O re e le mokhatlo ba se ba ile ba etela merafo e 'maloa 'me ba bona palo ea basali e fokola merafong e joalo. O re ba tataisa basali ba ratang ho sebetsa merafong ka mekhoea ea tšebetso le boitšoarano hore qetellong ba tle ba atlehe ho fuma-na tharollo ea moshoelela khatikelong ea litokelo tsa mantlha tsa basali.


O re ba fumane hore

merafo e meng haholo ea Lejone ho siloa lejoe 'me sechaba sa litikoloho tse joalo sea ameha, ka hoo bona joaloka mokhatlo ba sebeletsa ho bona hore tšireletseho ea sechaba sa moo e ba taba ea mantlha 'moho le basali ba sebetsang libakeng tse 'maloa. A re naha ena e sa tobane le liphephetso tse ngata litabeng tsa merafo kaha boholo basali ba sa sebetse.

Mamokhantšo Nkune o itse ntho e kholo ke ho ntlafatsa maemo a basali merafong le tekano 'moho le boikemelo mosebetsing oa bona.

O re hangata batho banna ba lumela hore mesebetsi e meng ke ea bona basali ba ke ke ba e sebetsa, ka hoo ba rata ho tlosa khethollo eo kaha basali ba na le tokelo ea ho sebetsa le ho etsa mesebetsi eohle ho ntse ho bolokiloe seriti sa bona.

Basotho hlokomelang marang-rang



Nthabeleng Seitlheko

Mookameli oa Mokhatlo oa Basotho ba sebetsang Linaheng le Libakeng tseo e seng tsa habo Bona, Lerato Nk-

hetše o tšoara o khalema lequjoana la batho ba nkanang monyetla ka Basotho ba tloksing ka hore ba ba fumanetse mesebetsi Afrika Boroa. Litaba tse-na o li hlalositse ka la 27 Motšeanong monongoaha.

O re batho ba teng marang-rang ba thetsa Basotho ka hore ba ba fumanetse mesebetsi naheng ea boahelani ho se joalo le ka hore mesebetsi e mangata naheng eo ho se joalo. O re ha motho a qeta ho tloha kahar'a naha ena o fetoha lehlatsipa la thekisetsano ea batho, kapa a qetella a etsa litlolo tsa molao.

O re Basotho ba se ee le khongoana holimo hobane litaba tsa marang-rang ha se 'nete, ebile ho ntse ho le bohlokoa hore 'muso o be le tsela ea tsamaiso ho loantša litsotsi tse reng li batlela Basotho mesebetsi linaheng tseo eseng tsa habo bona.

E mong oa maparamente Katleho Mabeleng potsong ea hore na ke ka tsela efe Basotho ba ka bolokehang nakong eo ba batletsoeng mesebetsi linaheng tse ling, o supile hore ntho e ka thusang ke hore Lekala la Khoebos le Bosebetsi le etse melao e thusang hore litsi tsena tse some-lang Basotho mesebetsi li atleha ho sebetsa ka tsamaiso ho fapana le hore mang le mang a ithehela sethala se behang Basotho tsietsing.

Bacha ba tšohla litaba tsa moruo

Nthabeleng Seitlheko

Bacha ho tsoa mafapheng a fapakaneng kahar'a naha ba bile le sethala sa lipuisano se reretsoeng ho thakelana ka malebela a ka thusang hore naha e tsebe ho iketsetsa ho imatlafatsa molemong oa moloko o tlang e bile e le karolo ea ho tšoaetsa Letsatsi la Bahale ba Afrika, ka la 23 Motšeanong monongoaha.

E mong oa bahlophisi ba 'moka ona, Tumelo Moteuli o hlalositse hore baetapele ba khale ba ne ba e-na le mekhoea e matla ea ho kopanya lintho tse thusang ho sireletsa le ho boloka moruo oa naha. O re ke ka hoo e le bacha ba tsoileng letšolo ho tšohla litaba tsa moruo tsa naha ena molemong oa sechaba se tlang.



O re ba lokela ho khoa litabeng tsa ho phela ka lithuso tsa machaba e le naha 'me ba bone hore naha ea habo bona e'a atleha, e tseba ho iketsetsa le ho iphelisa. A re ba tla potoloha le naha naha hobane ba rata ho fihlela bacha ba phelang ka lithabeng, hobane bacha ba matla ba ka fetola boemo ha feela ba ka hopola hore ha ba shebane le ho shebellana litabeng tsa naha ena, e le litaba tse monate kapa tse bohloko.

Mohau Marthe o hlalositse hore e le e mong oa bacha ba tlileng 'mokeng ona, Basotho haholo bacha ba lokela ho ikemela le ho ema khahlanong le litaba tse ka ba sitisang ho fihlela katleho ea bona ka moruo oa naha hobane ba lokela ho ema ba o sireletse.

O re ke nako ea hore mocha e mong le e mong ho sa natsoe boemo ba hae ba lipolotiki a eme a sireletse naha ea habo le ho ema khahlanong le litaba tse hatikelang mo-

cha e mong bophelong.

Motsamaisi oa Lipuisano Ntlong ea Bakhethoa, Mohlompheli Tlohang Sekhamane eo e neng e le moeti oa bohlokoa 'mokeng ona, o hlalositse hore bacha ba lokela ho tšoarana ka matsoho ho loanela bonngoe e le ho hlola liqholotso tseo ba tobaneng le tsona tse kenyeletsang tlhahiso ea mesebetsi le tharollo ea moruo o tsitsitseng hobane tharollo ea lintho tse ngata e matsohong a bona.

O ipilelitse ho bacha ho tlohela ho halefela naha ka litaba tsa bona li fumaneloe tharollo, empa ba itihle kapel'a baetapele molemong oa ho fuma-na tharollo ea moshoelela liqholotsong tse ba tobileng. O itse bacha ke bokamoso ba hona joale ka hona ba lokela ho ba le boikarabello bo phethahetseng ho thusa ho ntlafatsa naha ea habo bona.

MOELETSI O TŠEHETSA BACHA



Tšeliso Thakholi

Bongoli ba libuka ke talenta eo ho bonahalang matsatsing a morao tjena bacha thahasello ea bona e ntse e theoha haholo papisong le nako e fetileng. Lingo- li tse ncha tsa libuka tse kang Retšepile Lebese li ntse li hlaha ka lipalo tse fokolang haholo. Moroet- sana enoa ea hlahetseng Hlotse Seterekeng sa Leribe ke motho ea nang le tjantjello e kholo ea ho ngola libuka tsa Sesotho tsa meqoqo le litšoantšiso.

O ngotse buka ea hae ea pele ea litšoantšiso e bitsoang “Chelete ‘maka litaba” e hlabollang le ho fana ka morolo ho ea e balang. Buka ena e ngot- soe ka Sesotho se math- emaloli, ‘me o se a ntse a itokisetša ho tla e hatisa ka khoeli ea Mphalane

monongoaha. Ka hona e tla qala ho hlahella sech- abeng ka khoeli ea Tši- toe monongoaha. O qala pele ka ho re hlalose tsa hore na o qalile neng le se phuthetsoeng ke buka ena ea hae.

Hantle u qalile neng ho etsa mosebetsi oo oa hau?

Ke qalile ke sa le lile- mong tse tlaase haholo hobane ha ke etsa Se- hlopha sa Botšelela ke ne ke tloaetse ho ngola meqoqo, ‘me ntate oa ka kaha e ne e le tichere o ile a mpeha fatše a nthuta malebela a hore ke tle ke tsebe ho ngola libuka tse monate haholo tsa meqo- qo le litšoantšiso.

Buka ka bo-eona e fupere’ng?

Buka ena taba-kholo ea eona ke katleho ea tše- beliso e ntle ea chelete le ho hlokomelisa bacha hore chelete ha e sebe- lisoa hantle e ba tsoela molemo empa ha e sebe- lisoa hampe e ka fetoha sera sa bophelo ba bona. Ke boetse ke e ngotse

ke ipapisitse le ho ara- bela lipotso tse tharo tsa bophelong e leng chelete ke’ng? Bohlokoa ba eona ke bofe? Hobaneng che- lete? Lipotso tsena li fana ka mekhoha eo motho a ka sebelisang chelete ka boikarabello ka teng.

E na le likarolo tse kae?

Buka ena le likarolo tse robeli tse kholo kahar’a eona ka maqephe a 190. Har’a tsona ke tseo ke fanang ka malebela hore na hantle chelete ke’ng, etsoa hokae le hore na mehleng ea pele Baso- tho ba ne ba phela joang. Karolo e kholo har’a tse- na tse robeli ke moo e thusang motho hore a itl- hahlobe mehato eo a ka e nkang hofihlela katleho le ho fumana maikutlo a batho ba bang ba ileng ba atleha bophelong ka- mor’a ho sokola nako e telele.

Na u se u e-na le tšehetso?

Ke hona ke ntse ke bat- la lithutso ho bahoebi ba boithetlo bo botle sebak-

eng sa ho tla hatisa buka ena ea ka ea pele.

Ke life liqholotso tsa ho qapa?

Joalokaha karolo e kho- lo ea buka ena ke ne ke hlile ke shebile ho elet- sa bacha haholo ka ntho e bitsoang chelete, ba bang ba bona ba ile ba eba leqe ho hlakisa hore na ba utloisisa’ng ha ho bua ka chelete. Ho ile ha boela ha nkuka nako e telele ke ho etsa boithu- to bo tebileng ka chelete haholo ha ke se ke bo etsa ka ba seng ba atle- hile bophelong ka lebaka la tšebeliso ea chelete. Tsena e bile liqholotso tse ileng tsa ntšoarella haholo.

Na u bona mosebetsi oo oa hau u ka etsa hore o u phelise?

Ke lumela hore ka talen- ta ena ea ka ea bongoli ke tlil’o phela, feela e bat- la tsotello le mamello e ngata haholo.

Hore motho e tle ebe o tseba ho ngola libuka o lokela hore a qale boemong

bofe?

Matsatsing a moroa tjena ke hobane ha re sa lula le maqheku le maqhekoana a rona joale re hola re se re sa tsebe le tsona litšo- mo le lilothe le puo ka bo-eona. Ke e ‘ngoe ea liqholotso tseo bacha ba tobaneng le tsona ha ba lokela ho hlahella maba- pi le talenta ea bona ea bongoli.

U batla ho bona tal- enta ee e u behile hokae bophelong ba hau?

Ke batla ho iphumana ke hatisitse libuka ebile ke e-na le moo re kopanang re le bacha literekeng tsena tse leshome re arolelana litsebo mabapi le litaba tsa bohlokoa ba bongoli.

U ka re’ng ho bacha ba nenang puo ea Sesotho?

Bacha ba lokela hore ba tsebe puo ea Seso- tho hoba ke eona puo ea rona kaofela, ha rea loke- la ho e nena. Har’a lipuo tse teng ha ho na e mon- ate ho li feta.

Lenyalo le kopanya Basotho



Nthabeleng Seithleko

Ho hlola qholotso ea litaba tsa khoboso ea marang-rang le ho ntlafatsa bophelo ba bacha, Basotho ba ile ba khobokana ka bongata moketeng oa lenyalo la naha, oa Malefetsane Leketa le 'Malehakoe Leketa, ka la 24 Motšeanong monongoaha.

Litaba tsena li latela hore bobeli khoeling ea 'Mesa 2025, ba manehe ho marang-rang linepe tsa bona tsa lenyalo, tse ileng tsa

tsosa morusu le linyefolo tsa hore lenyalo la bona ke la 'mantloaneng le ho ba tlepa litšeho.

Tsena li ile tsa thokola Basotho ba bang ba hoo ba ileng ba rera lenyalo lena ka ho phehisa ka bo-mong, ka likhoebo tsa bona le ho le reha 'Lenyalo la Naha.' Ke hona ketsahalang ena moo bobeli bo ileng ba lokisetsoa mokete oa litletle.

Ketsahalo ena e tsoetse lintlha tse 'maloa tse entsoeng ka sepheo sa ho bontša hore tlikefetso ea marang-rang e lokela ho

emisa, 'me banyalani ba atlehile ho ba le setša sa bolulo, mesebetsi ea matsoho le tlhobollo hore ba atlehe ho iphelisa.

Ke hona ka letsatsi la Lenyalo la Naha moo monyali a ileng a supa a thabile a bile a leboha Basotho ka ketso ena, leha a ne a khathatsehile a hopola hore mosebetsi oa letsatsi leo o ne o tsoa botebong ba lipelo tsa batsoali ba hae. A leboha Basotho kaha ba sa ka ba mo tlohela ha a utloisoa bohloko le ho nyenyefatsoa ka lebaka leo o rata Basotho ka seo ba mo etselit-seng sona.

'Malehakoe Leketa o itse letsatsi la ketsahalo o ne a thabile 'me a bona likhoboso tseo kamor'a nako tse ileng tsa utloisa Basotho bohloko hore ba qetelle ba entse mokete oo o moholo ka hona o thabile 'me o leboha Basotho ka pelo eohle ea hae hobane sena se mo entse hore a kokobebe.

Lebitsong la batsoali 'Mathato Leketa o supile a thabile le hoja nakong ea ketsahalo a ile a tsoareha habohlolo kaha litaba tseo li ne li nyenyefatsa mosebetsi oa bana ba hae le lela-pa. A re o leboha Molimo ka hore litaba tsena li etsahetse nakong ea Paseka 'me Jesu o ne a ke ke a tharisoa a le mong o ile a tharisoa 'moho le bana ba hae.

O re o bone hore Molimo ka nako ea tsoho ea hae o ile a ba hlakola menyepetsi e ileng ea tlisa thabo e kholo lapeng la hae. A re eo 'Malehakoe ke lehakoe la pelo ea bona le benyang ho feta taemane. O leboha Basotho

ka mosebetsi ona hobane ke ka ona lefatše le boneng bopaki ba Molimo.

E mong la bahlophisi ba mokete ona, Nokofa Hla-

E mong oa ba ileng lenyalong lena, 'Maletsema Khalieli o hlalositse hore lenyalo lena le bile letle, la kopanya Basotho le ho ba etsa ntho



bathe o ile a leboha Basotho ka mosebetsi o motle oo ba o entseng leha e ne e le mosebetsi oa naha. A re oa tseba matsoho ho lutla a sebetsang ka hoo o leboha batho bohle.

e le 'ngoe ka lebaka le o ba leboha hore ebe ho bile le khoboso eo. A re o ithutile hore Basotho ke batho ba ratanang, ba utloelanang bohloko, ba hlomphanang le ho sireletsana.



Bongata ba bakuli bo ama moruo-Makhalanyane



Nthabeleng Seitlheko
Molula-Setulo oa Balula-Setulo ba Likomiti tsa Paramente, Mokhothu Makhalanyane o re o tšoenyehile ke lipalo tse holimo tsa Lefu la Lefuba(TB) tse boleloang

hang ho ea linaheng tse ling e ngata haholo ho re okela mafu. Hape a re botseteli bo bong bo ka thusang ke ho tsetela lingakeng le ho nolo-fatsa mekhoha ea ho rupela lingaka tse ngata ka mafu a seoa le a mang a mangata. O re e bang 'muso o ke ke oa ela hloko botsebi ba

al Fund, e neng e reretsoe ho matlafatsa tlhahlobo le kalafo ea bakuli ba TB metseng. Litaba tsena Mookameli Litabeng tsa Lefuba Lekaleng la Bophelo, Dr. Llang Maama o li buile nakong eo Lekala la Bophelo le neng le hlahile kapel'a Komiti ea Paramente e seb-



nako le nako. O re litaba tsa sechaba se kulang ka bongata li nyotobetsa moruo oa naha kaha 'muso o sebelisa litsiane tse ngata ho oka bakuli ntle le lintlafatso. O hlalositse tsena a bua le Koranta ka la 27 Motšeanong monongoaha. O re seo a se hlokomelang ke hore naha e ke ke ea ntlafala moruong ha bonolo ha feela sechaba se kula ka bongata, ka lebaka lena ntho e kholo e lokelang ho etsa ke botseteli bo matla tlhahisong ea litlhare kahar'a naha, ho sebelisa mokhoa e ntlafetseng ea ho phekola TB re sebelisa litlama le litsebo tsa Basotho. O re chelete e hohole-

naha ena re tla ba le mathata kalafong hoo qetellong ho tla ba thata hore bakuli ba fuoe litlhare. O phethetse ka ho ipiletsa ho Lekala la Bophelo ka botsebi ba lona ho etsa tlhahlobo ea tšebetso ea bona le ho thusa hore botsebi ba naha ba bophekoli bo jella paate litabeng tsa kalafo. "Leha hole joalo ke khothaletsa Basotho ho ea litsing ho hlahlobela mafu ka mefuta e fapakaneng molemong oa bophelo bo botle." O boletse joalo. Ho sa le joalo Lekala la Bophelo le phatlalalitse le lahlehetsoe ke chelete e kaalo ka M15 Milione ea tšebetso e tsoang ho Glob-

etsanang le Mafu a seoa ka la 20 Motšeanong. Ho boetse ho na le chelete e ka holimo hanyane ho M4 Milione eo ho latela Lekala La Bophelo, le hoja Global Fund e boletse hore ke khefutso feela, Lekala le re le utloile hore chelete ena e se e tlositsoe ka ho felletseng. Maama o re Lesotho le kotsing ea ho lahleheloa ke M5 Milione e leng chelete eo Lekala la Bophelo le e sebelisang ho potoloha le naha ho ruta Basotho ka TB. O bontšitse hore Lesotho le imetsoe ke sekhahla se phahameng sa TB, hoo le hlahang bobeling lefatše ka bophara.

ECoLe hopola ba nang le bokooa



Nthabeleng Seitlheko

Ele ho sireletsa khohlo e ntlafetseng ea ngoana e mong le e mong ho sa natsoe boleng ba hae, Lekhotla la Litlhahlobo la Lesotho (ECoL) le la Eswatin le reketse Baithuti ba Sekolo sa Mathomo sa St. Bernadette likobo tse 47 ka la 24 Motšeanong monongoaha. Mookameli oa ECoL Dr. Mokhitli Khoabane o re litaba tsena li etsoa e le karolo ea ho keteka lilemo tse 10 tsa tšebeliso 'moho ea litsi tsena le ho khutlisetsa sechabeng haholo ba shebile batho ba tlokotsing haholo barutoana kaha ba lokela ho phela tikolohong e amohelang le ho ba le thuto e ntlafetseng. O itse ba etsa mosebetsi ona litsiane tse tsoang lipokothong tsa bona, hore

bao ba tsebe ho fumana bophelo bo ntlafetseng joaloka bana bohle. Mookameli oa Eswatini Mandla Dlamini o re ngoana e mong le e mong o lokela ho fumana thuto ea boleng ho ea ka ntlafatso ea moshoelella (SDG4), ka hona bana ba tlokotsing ba lokela ho eloa hloko haholo ba nang le bokooa hore ba ikutloe ba amohelahile ka tšebetso eo ba tla e fuoa. Ha e mong oa basebetsi Thandani a hlalositse hore ba na le khaello ea litichere, lithusa-thuto le mokhoa oa bolulo oa baithuti. A re ke bonyane bana ba 40 ba phelang sebakeng seo ba nang le bokooa. A ipiletsa ho 'Muso oa Lesotho le mafapha a ike-metseng ho ba ela hloko kaha ba e-na le litlhoko tse ka thusang hore ntlafalo le kholo ea bana ba nang le bokooa haholo thuto e bonahale e ntlafetse.

Mazenod BOOK CENTRE 27 350 562 / 57396597 (whatsapp) bookcentre@mazenodprinting.co.ls

akello

SCHOOL BOOKS

now available on the Akello Online Library!

Here's how to access them:

1. Download the Akello Reading App.
2. Search for the book you want.
3. Purchase or subscribe online.
4. Download the book

Enjoy reading offline anytime on the Akello App.

<https://library.akello.co/>

Qeme e bopa khotso



Nthabeleng Seithleko

Ele ho bopa khotso kahar'a sechaba le ho se qobisa likhohlano tse leb-ang kamehong ea moruo metseng e fapakaneng, Lekala la Sepolesa, Lehae Puso ea Libaka le Borena ka kopanelo le Machaba a Kopaneng (UN) ka mekhat-



lo ea eona e fapakaneng, li thakhotse morero oa poloko ea khotso oa lilemo tse peli mahareng a sechaba sa Qeme Ha 'Mantšebo ka la 28 Motšeanong monongoa-ha.

Letona la Sepolesa, Lehae, Puso ea Libaka le Borena, Mohlomphehi Leb-ona Lephema o supile hore morero ona o bohlokoa hobane ka ona ba t'l'o tli-setsa naha khotso le ho felisa khatikelo ea Litokelo tsa Mantlha tsa Botho, litsikitlano le litoantšano kahar'a sechaba.

A re morero ona o tla sebetse hobane ba se ba ile ba ba le puisano le sechaba haholo sa litereke tsa Maseru, Mokhotlong le Mafeteng kaha e le tsona tse bonahalang li e-na le likhohlano

tse. O re morero ha se feela ho bona, empa ke ho fumana sesosa sa litaba tse. O itse 'muso ha o tlo sebetse empa o hloka marena, litereke 'moho le sechaba ka likarolo tsohle tsa sona, ka hona bohle ba bule lipelo tsa bona 'me ba tšehetse meralo eohle e amang tšebetso ena.

H'a tsoelapele o itse bacha ke batho ba bohlokoa ka hona e be baetapele ba khotso, hobane e'a hloka-hala hore ho be le lintlafats

'me ba lumela hore ho ka ba le khotso ha ba kopana le sechaba. O supile hore kahar'a Naha ea Lesotho ke 86% ea basali e hlalosoang e hleketsoa e bile e hlaha boemong ba bohloko lefatšeng linaheng tseo batho ba bolaeang ka ho fetisisa. A re khotso e lokela ho iponahatsa kahar'a sechaba hobane ke hona khubung ea bophelo.

A re esale e le Mekhatlo ea Machaba haholo UN ba tsoere ka thata ho tšehetsa Naha ea Lesotho litabeng tse kenyeletsang Tlhopho-Bocha le Litsi tsa Tšireletso. Ka hona a re Tlhopho-Bocha e lokela ho bonahala ka liketso e utloahale lentsoeng, 'me bohle ba natefeloe ke eona. O re ka ho tsoarana ka matsoho le bohle ba ikemiselitse ho tsetela kahar'a sechaba e le ho tliša tšepo.

A ipiletsa ho Letona la Toka le Molao, Mohl. Richard Ramoetsi hore ka morero ona ba t'l'o akofisa khaho ea komisi ea Litokelo tsa Mantlha tsa Botho 'me ha ho Mosotho ea tla kopa namo Lekhotleng le Phahameng ka litjeo tse boima.

Mokhethoa oa Qeme NO. 47, Sello Hakane o itse o utloa ba le lehlohonolo hore ebe morero ona oa khotso



mahareng a sechaba o t'l'o qala sebakeng sena, hobane sechaba se se nang khotso ha se atlehe le 'muso oa fela ha o se na khotso.

A re morero ona o mohlolo o tlo thusa hore ho be le khotso le hore ho be le tšebetso e tsoetseng pele ebe batseteli ba tla naheng e nang le khotso le botsitso. A re ba ikopela ho be le Motebo oa Sepolesa e le hore ho tle ho be bonolo hore batho ba lukang khotso kahar'a sechaba ba tle ba qaoe khotso e joalo.

Molula-Setulo oa Kansele, Relebohile Mathe o hlalositse hore litaba tse lukang khotso ke tlhokahalo ea mesebetsi moo banna ba hleketsoang basali hobane ho se na ea fanang ka lijo.

Har'a litaba tse ling tse bonahalang li hlokisa sechaba sa Qeme khotso o re ke bosholu ba liphoofolo le lipolaeano kahar'a sechaba ho bakang lehloeo le bophelo bo botle ba sechaba. A re ho bohlokoa hore bohle ba fetole bophelo ba malapa a bona e le hore khotso e lule e rena kahar'a malapa.

Mohokahanyi oa Morero Lekaleng la Puso ea Libaka, Borena le tsa Lehae, Tumo Molefe o supile hore 'muso oa Lesotho ka kopanelo UN



sechaba batho ba tla phelisa ka khotso metseng kaha litaba tsohle li qala khotso.

A re lilemong tse 200 tse fetileng ba ile ba hopola hore Morena Moshoelela I ea ileng a theha sechaba ka khotso ka hona khotso e ntse e qepha kahar'a sechaba e lokela ho ntlafatsoa.

A re likarolo tsohle tsa sechaba li tla kenella haholo ho mahokela kaha ke balisa ba sechaba, hobane lipolaeano ka lithunya le lintoa tse lipakeng tsa lichaba ke lintho tse bohloko tse lebisang bophelong bo bolutu ba sechaba. A re morero ona o tlo nka lilemo tse peli 'me ona o qalile ka khoeli ea Pherekhong 2025, o tla fihla pheletsong ka selemo



ka mekhatlo ea eona ba sebeletsa ho bona hore ho ba le khotso ea moshoelela mahareng a sechaba. A re ha ba sebetse 'moho e le

sa 2027.


E mong oa sechaba se bileng pitsong ena, 'Mamosongoa Koeshe o re likhatatso li batla li theohile le hoja tlala e le qholotso e kholo. A re ba lula ba le seboko ba kopa tšehetso e kholo ka litaba tsa kholo ea bona e le sechaba haholo mesebetsi hobane ha e le sieo le khotso ea malapa e ba bothata.

'Musi oa Setereke sa Maseru, Tšepo Lethobane o hlalositse hore ba t'l'o sheba hore na ke methati efe eo ba ka bopang khotso ka eona. O re sebaka sa Qeme se Maseru se hlaloso e le se seng sa libaka tse kapele-pele ka lipolaeano tsa sechaba.



MoB KIDDS EDUTAINMENT

Puzzle MoB 93-4587



Across

- 4 Mofuta oa linaleli. (8)
- 5 Lentsoe le leng le bolelang lephahama. (8)
- 6 Khomo e phatšoana (7)
- 8 Ho ngola. U ka re'ng ha u sa rate ho sebelisa ngola? (9)
- 12 Lentsoe le bolelang mahlomola kapa masisapelo (8-4)
- 13 Bana ba hlahileng ka selemo se le seng. (11,6)
- 15 Khomo e tšoana (6)
- 16 Nku e faotsoeng (7)


Down


- 1 Naleli ea meso. (14)
- 2 Khomo e pulutsoana e bitsoa... (5)
- 3 Pula (7)
- 7 Lentsoe le leng le bolelang linku. (8)
- 9 Mofuta oa nku. (6)
- 10 Khomo e phatšoana e bitsoang? (7)

- 11 Khomo e 'mala o mosoeu o bang holima tlhako ho isa tlasa manonyeletso. (5)
- 14 Khomo e phatšoana bo bohlabana. (6)

THAROLLO

MoB 93-4586





TSA KEREKE

Bana ba Maria boikhutsong



Tšeliso Thakholi

Litho tsa Kopano ea Bana ba Maria tsa Deanary ea Mazenod, li bile boikhutsong ba tsona ba pele ba selemo sena, bo neng bo tšoaetsoe Parishing ea Maria Mofumahali oa Lefatše, Mazenod bosiuong ba la 24 Motšeanong monongoa ha tlas'a tataiso ea mong'a Parish Fr. Patrick Khoaele OMI a tlatsitsoe ke Fr. Emmanuel Mokhofu OMI.

Khubu ea boikhutso bona e bile letsatsing la Sontaha moo ba ileng ba qhoaela bakokoti ba 38 lipele le ho amohela ba bacha ba robong, litšebelatsong tsa Sehlabelo se Halalelang sa 'Missa, tse neng li eteletsoe pele ke Fr. Emmanuel Mokhofu OMI. Khothatsong ea hae Fr. Mokhofu o boletse hore Evangeli eo re e baletsoeng Jesu Kriste h'a bua le barutuo ba hae, ho na le lintho tse 'ne tsa bohlokoa tseo bakriste ba lokelang ho li ela hloko.

A re ntlha ea pele ke hore Jesu Kriste o ile a re ho barutuo ba hae, "ha motho a nthata o tla boloka lentsoe la ka, Ntate o tla mo rata, 'me re tla tla ho eena re ahe hammoho le eena. E leng hore taba ena ea ho bala Lentsoe la Morena Molimo, ho le boka le ho phela ka lona e re thusa hore lintho tse na tse 'ne li etsahale hore Jesu Kriste o tla re rata. O tla tla ka ho rona a ahe ka ho rona. Taba ena e re ho uena ha ho na ntho e monate ho feta ho rata ke Molimo."

Har'a lithuto tseo Bana ba Maria ba ileng ba hlalella ka tsona boikhutsong bona, Fr. Mokhofu o ile a ba hopotsa hore ba lokela ho ela hloko Bafarisi ba tla ba thetsa ka hore b'a ba rata, empa ho se joalo ho na le ntho eo ba e shebileng. "H'a qeta ho e fumana lerato le'a fela. Motho o tla ipotsa hore na le ne le ntse le le

kae nako ee kaofela?" Ho botsa Fr. Mokhofu a bile a eketsa ka hore lerato la bona le na le lipehelo, empa la Morena Molimo lona ha le joalo, ha le shebe litšobotsi tsa motho.

A ba hlokomelisa hore ba se ke be ba ea le khongoana holimo ha Bafarisi ba ntse ba re b'a ba rata hobane lerato la bona le na le tefo ha le tsamae feela, "me o le Ngoan'a Maria o lokela hore o ele hloko ha Mofarisi a re ho uena o'a u rata." A re Morena Molimo o tla ho motho leha e le moetsalibe, a le litšila ho feta bohle. Ke nako eo a bontšang lerato ho eena. "H'a bontša lerato o kena ho motho le Jesu Kriste le Moea o Halalelang. E leng hore Botrintase bona bo tla ka ho eena ho tla aha kahare ho eena. E leng hore ha u tsamaea le Molimo ha u ke ke ua tšoha letho." Ke Fr. Mokhofu eo.

Puisanong le Mookameli oa Bana ba Maria ba Parish ea Maria Mofumahali oa Lefatše,

ausi Sylvia Tlabaki o boletse hore sepheo se sehlo sa boikhutso bona e ne e le ho tla tšoaee bakokoti ho tsoa limishoneng tsa Deanary ea Mazenod. A re monongoaha katleho e bile kholo haholo kaha ba tšoaile bakokoti ba 38 papisong le ngoahola moo ba ileng ba tšoaee ba bane feela. A re sena se bontša kholo kahare ho Kopano ea Bana ba Maria.

A re boikhutso ba bona bo bile molemo haholo kaha ba ithutile tse ngata tsa bohlokoa tse kenyeletsang hara tse ling tsela ea tumelo, ho bopa bonngoe, ho se khethollane le litaba tseo e leng lekunutu tse amanang le litaba tsa banana. A re o khotsofetse haholo kaha ba boetse ba amohetse litho tse ncha. A phethela ka hore morero o moholo oa Kopano ena ke ho holisa baroetsana, 'me bacha bohle ba ka ratang ho kena Kopano mamati a butsoe ba tla amoheloa ka liatla tse peli.

31st MAY
TO 1st June
2025

TŠEBELETSO EA MOKETE OA NTATE JOSEPH GERARD EA LEHLOHONOLO

12:00pm - Sehlabelo sa Missa, Maphotong

- Mokoloko oa Rosari ho ea Ha 'MaJesu
- Kamoheliso ea bakuli, St. Joseph's hospital
- PHOMOLO

6:00pm - Kamohelo ea baeti

- Sepheo sa maeto a thapelo a Ntate J. Gerard

6:15pm - Tšebelsetso ea Pako

8:15pm - Sehlabelo sa Missa oa Ntate J. Gerard

10:15pm - Khumamelo ea Eukariste

- PHOMOLO

12:00am - J. Gerard, Morati oa Maria Movirigo

1:00am - Tlotso ea bakuli

2:00am - Bohlokoa le matla a li-releka le lisakramentale

3:00am - Kako ea Relic

4:00am - Sehlabelo sa Missa

- Mokoloko oa mabone le phano ea mobu

Ha 'MaJesu Roma Parish

5894 9422 | 5708 3144 | 5877 2491

2024-2025 SELEMO C

SONTAHA SA 7 SA PASEKA

Liketso 7:55-59

Pesalema 96

Tšenolo 22:12-14.16-17.20

Joannes 17:20-26

Khothatso

Tšoarelo, bonngoe, lerato

Kaofela ha rona re tseba bohloko ba karohano, 'me bohloko bo tšoanang bo utloe ke bohle ba neng ba rata Kriste, nakong eo a neng a nkeloa Leholimong. Kajeno eleng Sontaha se lipakeng tsa Mekete e 'meli oa Nyolohelo le Pentakonta, ha re bue Kriste a sieo empa ea teng ka tsela e 'ngoe e fapakaneng. Evangeli e nkuoe thapelong ea Kriste bosiuong ba ho qetela.

Thapelo ena e qetella joalokaha e qalile; ka lerato le tšepo. Karolong ea pele Kriste o'a ithapella, ea bobeli o rapella barutuo ba hae, ea ho qetella, eleng kajeno, o rapella rona le balumeli bohle. Thapelo ena e bitsoa ea Kriste ea Boprista-Boholo hobane ho eona o fana ka 'mele le mali a hae e le sehlabelo se tla etsoa molemong oa Kereke eo a tlang ho e theha. Qetello ea thapelo e fapakaneng hore le qalo hobane se etsahetseng pele, Kriste o se buile le barutuo ba hae. Empa ha joale ke puisano e etsahalang lipakeng tsa hae le Ntate, eo barutuo ba leng lehlohonolo ho e utloa. Nakong ea litlokotsi Kriste h'a ka lahla tumelo ho Molimo Ntate kapa tšepo sechabeng sa hae.

Kriste thapelo ena ea hae ke ea bonngoe ba sechaba, 'me ha re hloke ho hopotsoa hore rea e hloka hobane re bona likarohano tse ngata malapeng le sechabeng. Morena Jesu o rapella hore ho se be le karohano tse joalo, hobane o rata hore kaofela re be mohlape o le mong. Bonngoe boo a batlang re be le bona ke bo tšoanang le ba Hae le Ntate, 'me bona bo lokela e be motheho oa rona hobane re tla ratana re be re sebeletsane joalokaha re mo rata re bile re mo selebetsa. Taba e kholo kopanong ena ke lerato.

Ha Kereke e sa be le bonngoe boo Morena Molimo a mo bo batlang, e ke ke ea khona ho etsa mosebetsi oa eona; oa hore lefatše le lumele hore re ntho e 'ngoe joalokaha Kriste le Ntate ea Maholimong. Kriste o bontšitse thapelong ea hae hore o re file letlotlo leo Ntate a mo fileng lona. Ho jara lifapano tsa rona le ho utloa bohloko sebakeng sa Morena ho re thusa ho hola ka tsela e khethetsehileng, 'me joaloka Kriste re fumane letlotlo ho etsa Thato ea Molimo e se ea rona. Ha Bakriste ba boloka kopano ea lerato eo ba e fuoeng ke Kriste ba bontša lefatše hore O na romiloe ke Molimo. Ka hona O tla etsa bohle ba amohetseng Molimo ka ho ea ka moo ba lokelang ka teng.

Karabo ea thapelo ea Kriste e qalile nakong ea Setefane ea ileng a khethoa ho ba e mong oa badiakone ho phatlalatsa lerato ho bahloki. O nkoa e le moshoele-tumelo oa pele, 'me lentsoe moshoele-tumelo le ka bolela paki. Setefane ho rona ke paki ea hore re lokela ho emela tsohle tse ntle 'me tse lokileng, le haeba tseo li ka tlisa litlamorao tse seng monate.

Ha re se re qetile ka ho hlonamela Kriste ea ileng, re rapela re re, "Tloho Morena Jesu!" Re rapela hore a tle kapele ka letlotlo la hae, hape re rapele hore a tle hara sechaba sa habo rona ho tla bopa bonngoe e le ba tumelo, mosebetsi kapa ba malapa. Re boele re ithapelle ho ba lipaki tse tla emela 'nete khahlanong le tsohle tse sa eeng le toka. Re hlokomela hore lihlabelo ke tsona tse tla re thusang ho tlisa kopano le bonngoe hara rona e se boikhabo. Hape re elelloe hore tšoarelo le eona ke e 'ngoe ea makhabane a bohlokoa haeba re batla bonngoe ba 'nete bo hlohang boikaketsi.

Bahalaleli har'a Beke

2	Phupjane	Ada
3	Phupjane	Kevin
4	Phupjane	Petroc
5	Phupjane	Boniface oa Mainz
6	Phupjane	Jarlath
7	Phupjane	Vulphy

Ke Molimo ea tsebang-Motheo

Tšeliso Thakholi

Mokoetlisi oa Sehlopha sa Bolo ea Maoto sa Lioli, Monghali Motheo 'Six to Six' Mohapi o re selemong se fetileng h'a ne a qala ho fihla kahare ho sehlopha o ile a hlokomela hore se na le libapali tseo boholo ba tsona ba seng ba le baholo. Ke ha a tla qala pele ka ho khutlisa seriti sa Lioli. O buile tsena kamor'a hore a hlohlire LU ka thupa ea 3-1 papaling ea bona ea ho qetela ea Liki, e bileng Lebaleng la DiFA, Maputsoe ka Sontaha sa la 26 Motšeanong monongoaha, moo Lioli e bileng bompoli ba Liki makhetlo a mabeli ka tatellano.

O re kamor'a ho khutlisa seriti ngoahola, selemong sena ba ile ba qala pele ka ho bokeletsa lintlha-kholo papaling ka 'ngoe, ba boetse ba bile ba aha sehlopha



sa kamoso sa Lioli ka bahlankana ba ntseng ba le bacha lilemong, se tla nka lilemo tse hlano se ntse se phela. "Ka hona ba ntseng ba le bacha re ile ra qala re ba fa monyetla o mongata oa hore ba kene ka lebaleng

ba bapale e le hore re ba holise ba tloaele." O boletse joalo.

A bontša hore ho tloha haesale selemo se qala ba ile ba sebetsa ka meralo ena e 'meli e leng oa ho sireletsa Mohope oa Liki le ho holisa

libapali tse ncha e le ho aha sehlopha sa kamoso. A re ha liki e ntse e loela ba ile ba theola sekahla sa ho aha sehlopha, 'me ba kenya libapali tse seng li e-na le boiphihlelo e leng tsa khale, e le ho akofisa mosebetsi

oa bona oa ho sireletsa mohope. "Taba eo e ile ea re sebeletsa haholo hoba ha e sale re emisa ka ba bacha re ile ra boela ra fumana sephetho se setle se ileng sa etsa hore re fihle mona moo re leng teng." Ke Motheo eo a bile a eketsa ka hore ho na le letsatsi le leng leo a ileng a bolella libapali tsa hae hore mohla a bapalang le Matlama e tla be e se eona e ka holimo lokong, 'me ho ile ha fela haeba joalo. "Ho feta mona e tla ba ua mpona, ka u bona!"

Potsong ea hore na ebe o ntse a tlii'o tsoelapele le Lioli selemong se secha sa lipapali sa 2025/2026, o itse "ha u ka mpotsa hore na ke ea Maseru ke Molimo feela ea tsebang. Ke Molimo feela ea tsebang hore na hosane ho tla etsahala joang." Ke Motheo eo.

Ho tloha ka selemo sa 2005 ho fihlela hajoale Lioli ke sona sehlopha sa pele se seng se atlehile ho hapa Mohope oa Liki ka makhetlo a tšeletseng, e hlahlangoa ke Matlama ka a mahlano. Ka ho hapa Liki Lioli e fumane sejana, limentlele le chelete e kalo ka M560,000.00. Ho sa le joalo mohatleng oa Liki e Kholo ntoa e hlotse Ace Maseru le sehlopha se neng se sa tsoa kena Liking e Kholo ngoahola sa Mzamane, 'me lihlopha tse ncha tse keneng ho Premier League ke Members le Maroala.

Ho tla qoba lerole Mohopeng oa Top 4

Tšeliso Thakholi

Ho tla qoba lerole Lebaleng la Bambatha Sports Arena, Maseru ka Labone bekeng ena ha lihlopha tse 'ne tse ileng tsa ithoma kaholimo lipapaling tsa Liki e Kholo ea Basali, li tla be li ntšana bothaka lipapaling tsa mantšano ho makhaola-khang a Mohope oa Women Super League Top 4, moo LDF Ladies e tla isana holimo le tlaase le LMPS Ladies papaling ea pele ka Labone la phomolo ho nt'o latela Kick4Life Ladies le Berea Ladies. Ka Moqebelo li tla fetela Lebaleng la DiFA, Maputsoe moo ho tla qala tse hlotsoeng ho ntan'o mathisana tse hlotseng ho makhaola-khang.

Sehlopha sa LDF Ladies seo e saleng e le lithatohatsi tsa Liki e Kholo ea Basali ho tloha ka selemo sa 2022, e bile e le sona 'mampoli oa ka linako tsohle ea neng a etse nalane ha se ne se hapa Liki e Kholo le Mohope oa Women Super

League Top 4 kamor'a ho sasara FC Stoko ka thupa ea 4-0 ho makhaola-khang se ile sa bontša matšoao a mokhathala, 'me ha bonahala hore ha se na ho o besa o tuke monongoaha, ha se ne se hloloa ke LMPS Ladies ka 2-1 lipapaling tsa sona tse etellang pele tsa ho qetela tsa Liki ka la 21 'Mesa monongoaha.

Athe sehlopha seo e saleng selemo le selemo se itulela maemong a bobeli ha Liki e Kholo e fela sa Kick4Life Ladies se hli-

le sa bontša mokhoa sona e sa le sethathong hore monongoaha se batla Mohope oa Liki e le kannete. Ke se seng sa lihlopha se bapetseng ka boitelo bo bohlo le ka bokhabane Liking ena. Matšoao a maholo a hlileng a bonahala hore Kick4Life Ladies e hliile e ba tla mohope monongoaha, ke ha e khakhatha Bantu Ladies ka 10-0 ka la 13 'Mesa monongoaha. Eitse hoja batho ba sa maketse ea boela ea teteka ntle ho qenehelo Mphaki HS Ladies ka phafa

ea 7-0. Ea qetella ka Bokamoso Ladies ka ho e pola 5-0, eba e nka mohope ntle ho khanyetso ea letho.

Kick4Life Ladies e boetse e iketselitse nalane kaha e le sona feela sehlopha se phethetseng Liki se e-s'o lahleheloe ke papali le ha e le 'ngoe feela; se hapile lipapali tse 15, bapala ka ho lekana ho tse tharo sa bokella lintlha-kholo tse 48. LMPS Ladies e sa ntse e le sehlopha se secha haholo kahare ho Liki empa se bontšitse boiphihlelo bo

bohlo papaling ea bolo ea maoto ka ho phethela Liki se le maemong a bone. Haele Berea Ladies se ne se bapala hantle empa se hlotsoe ho sebelisa menyetla ea sona e mengata haholo ea ho ikhapela Liki.

Ho sa le joalo lihlopha tse tla theohela boemong bo katlase ba Liki ke Thaba-Tseka Ladies le Bantu Ladies ha tse ncha tse tlii'o kena e le Villa Ladies le Mawes Ladies e khutlelang lekhetho la bobeli kahare ho Liki e Kholo.



Likuena litlholisanong tsa COSAFA



lethathamo la mabitso a 23 a bahlankana bana ba hloai-loeng ho ea e hlanaka Mangaung, balateli ba bontšitse ba khotetse le ho khot-sofatsoa ke ho hlokomela hore khetho ea mokoetlisi e pharuletse ka ho akareletsa lihlopha tse ngata kahare ho Naha ea Lesotho.

Ho feta mona, ba bontšitse hore ho qalella ka bokoetliso ke eona ntho e ntle, 'me ka hona ba se ntse ba lakaletsa bahlankana bao ho boea le marumo. Leha empa lethathamong lena la bahlankana ho e-na le a le mong ea tsoang lihlopheng tsa A Division kaha bakoetlisi ba ba bone ba sa tsoa bapala lipapali tsa Nedbank 8 Cup le Nedbank Champs of Champs.

Bahlankana bao Mokoetlisi Notši a ba khethileng ho e lata letailane ho akha ba sethibathibane sa Matlama e leng Leluma Mofoka, Siyabonga Manyaka le Kananelo Rapuleng ba Majantja, Seahlolo Moshoeshe oa LCS, Paseka Maile ho tsoa ho Kick4Life Juventude, Tumelo Shai ho tsoa ho Kaizer Chiefs Junior, Sanele Pantse oa LMPS le Lehlohonolo Matsau ho tsoa ho LDF.

Tšeliso Thakholi

Makejakejane a Sehlopha sa Naha sa Likuena a tla emela le ho fofisa folakha ea naha litlholisanong tsa Lekhotla la Lipapali la Linaha tse Boroa ho Afrika(COSAFA), tse tlang ho tsoareloa Manga-

ung Naheng ea Afrika Boroa ho tloha ka la 4 ho isa la 15 Phupjane 2025.

Matsatsi a se makae pele litlholisanano li qala sehlopha sena se tlas'a leihlo le nchocho la Mokoetlisi Leslie Notši se se se qalile ka boikoetliso bo matla Lebaleng la Bambatha Sports Arena. Sehlopha sa Likuena se Mokhahlelong oa B moo se pannoeng le Malawi, Angola le Namibia. Papaling ea

pele e qalang litlholisanano tsa COSAFA, Likuena e tla bapala le Malawi ka la 5 Phupjane, ka la 8 Phupjane e be e botsana lipotso le Angola e be e qetella ka ho isana holimo le tlase le Namibia ka la 10 Phupjane 2025.

Haele Naha ea Afrika Boroa e Mokhahlelong oa A moo e pannoeng le Mozambique, Mauritius le Zimbabwe, ha Mokhahlelong oa C le D ho pannoel lihlopha tse

tharo e leng Morocco, Madagascar le Eswatini 'moho le Zambia, Comoros le Botswana.

Ho ea ka balateli ba papali ea bolo ea maoto, ba sa batleng ho boleloa ka mabitso, puisanong e khutšoanyane le bona ba bontšitse hore Sehlopha sa Naha ha se belatse kaha se bonahala se kenyelelitse tse ling tsa libapali tse ncha tse ngata.

Tlhahlobong ea bona ea

Liphakoe e qoba selepe

Tšeliso Thakholi

Sehlopha sa Bolo ea Maoto sa Liphakoe "Ea Mose ho Seaka," leha se hlotsoe ke Lifofane ka 2-0, papaling ea sona ea ho qetela e neng e bapalloa Lebaleng la Lipitso, Butha-Buthe ka Moqebelo oa la 24 Motšeanong monongoha se atlehile ho sala lihlopheng tse kholo tsa Vodacom Premier League ha se ne se hlola Ace Maseru ka phafa e bohloko ea 1-0 bekeng e fetileng.

Papali ena eo e neng e le ea ho qetela ea leoto la Vodacom Premier League, leha Liphakoe e sa bapala hantle e ne e le e behang pooaneng hore na hantle sehlopha seo e sa leng se bapala hantle Liking e Kholo ho tloha ha selemo sena se qala ke sefe. E ne e boitse e tliil'o bonahatsa sehlopha se tla sala Liking e Kholo lipakeng tsa Ace Maseru e neng e se e e-na le selemo feela e kene lihlopheng

tse kholo kaha e ne e hlole Quthing LMPS 3-1 Liking e ka Boroa ea A Division lipapaling tsa makhaola-khang tsa selemo sa 2022/2023.

Ha ho potang sehlopha sa Liphakoe se ntse se setse lihlopheng tse kholo tsa Premier League. Bothata bo ile ba sallana le Ace Maseru e boemong ba bo-13 ka lipa-

pali tse 30 ea hlola tse peli, ea lahlehelo ke tse 19, ea bokeletsa lintlha-kholo tse 15. Haele Mzamane e boemong ba ho qetela lokong ka lipapali tse 30, ea hapa tse 'ne moo papaling ea eona ea ho qetela e ileng ea hloloa ke Majantja 2-0.

Haele Majantja le Lifofane ntle ho boikhethelo ke tsona

tse ileng tsa eketsa masisa-pelo a lihlopha tsena tse peli, tse seng li theohetse lihlopheng tse katlase tsa Liki ea A Division. Tšepo ea barati le bathoholetsi ba papali ea bolo ea maoto e ne e le ho Mzamane hore e tla emela Setereke sa Mokhotlong ka katleho e kholo, empa ho tloha esale se qalile liki ha se'a ka sa bapala hantle ho hang. Se ne se bonahala eka ha se'a ithlo-

pha hantle bakeng sa ho bapala Liking e Kholo.

Ho sa le joalo lipapali tse ling tsa ho qetela tse neng li phethela Liki e Kholo, tse bileng ka Moqebelo ke moo LDF e ileng ea teteke LMPS 'Semonye' ka 4-0, Machokha ea hlola LCS ka 1-0, Matlama le Bantu tsa bapala ka seahlolo sa 1-1. Athe Manonyane e ile ea tetebeta Ace Maseru ka ho e shapa 3-1.

